



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 343. An & qualiter vi consuetudinis usuræ propriè tales reddantur
licitæ.

[urn:nbn:de:hbz:466:1-73982](#)

permittantur usuræ compensatiæ, hoc est, moderata ratione lucri cessantis, aut damni emergentis, alteriusve justi tituli, sed de hoc expressè paulò pôst. Verum quidquid de hoc, quod spectando sensum genuinum diversarum legum usuræ lucrative non solum videantur toleratae, sed etiam positivè permittæ, & quasi approbatæ, eo ipso tamen non sunt licite pro ulla foro vigore juris civilis, utpote quod correctum sit per jus canonicum, quod ad hoc, tanquam sententiâ communissimam & certam, astruit Reiffenst. b. t. n. 43.

Quæst. 341. *An non saltem usuræ licite exigi & accipi possint ob favorem causæ piaæ, saltem dispensatiæ?*

Resp. Non potest, ne quidem sub prætextu redimenti captivos, vel alendi pauperes, similisve causa pia exerceri usuræ, aut ad hoc concedi potestas, non fecus, ac pro salvanda etiam vita alterius non licet mentiri, cum non facienda mala, ut eveniant bona, prout sumitur ex c. super eo. b. t. unde jam eriam, cum illicitum sit exercere usuræ, peccabunt illi, qui dant causam, exercendi illas sub prætextu operis boni, quamvis licitum sit, petere mutuum, & accipere sub usuris ab eo, qui jam determinatus est, non mutuare, nisi sub usuris, modò sit justa causa petendi, nimis necessitas vel utilitas perentis mutuum, vel ut alteri egerit succurrat; quia id non esset cooperari peccato; ita cum D. Thom. 2. 2. q. 78. a. 4. & 6. Abb. in cit. c. super eo. num. 4. Azor. p. 3. L. 5. c. 17. q. 12. Pith. b. t. n. 15.

Quæst. 342. *Num legislator aliquis supremus civilis per legem universalem novam, vel alias Princeps per statutum locale in suo territorio possit usuras reddere licitas?*

Resp. Tametsi à potestate seculari lex conditi possit, & condita valeat, quâ statuatur pro vitando graviore malo certus modus, & moderationis usuræ, v. g. ne usurarii nimium à debitoribus extorqueant, ut factum à Rudolpho II. Imperatore; Anno 1600, dum permisit quinque tantum pro centum datis mutuo annuatim dari, ut haberet communis, nequit tamen ab ulla legislatore humano, sive seculari, sive ecclesiastico, etiam Papa, ferri lex communis, aut etiam fieri statutum locale, quo usuræ reddantur licitas, ideoque nec præcipere potest, ut hanc usuræ, ut Tholosan. L. 2. de usur. c. 8. n. 1. & 2. quia id est cooperari usuris, quamvis permittere possit, ut à Judæis, aliisque infidelibus, aut etiam fidelibus impunè exerceantur ad cavena majora mala & scandala, quæ oriri possunt, si hic & nunc Princeps seu potestas publica eas exerceri impedire conatur; quin imò præcipere etiam posse videtur, ut non puniantur illas exercentes; quia nec illud est directè consentire peccato, aut illud approbare; non tamen cogere poterit, ut conventa solvantur, aut sub obligatione seu pacto solvendi sibi magna tributa dare positivè licentiam Judæis exercendi usuras, quo sit, ut ii usuræ augere cogantur, & pauperes magis exhaustantur, ut cum Lessio L. 2. c. 20. n. 179. Pith. b. t. num. 17.

2. Neque his obstat primò: Quod ex causa justa, qualis est bonum commune, seu favor publicus, liceat Principibus per legem aliquam communem subditis auferre jus & dominium, transferen-

do illud in alium, ut patet in lege præscriptionis, qua etiam locum habet in foro conscientia, & recepta est à jure canonico; nam in hoc est disparitas, quod præscriptio translativa dominii ab uno in alium tendat ad bonum commune, nimis ad conservandam pacem communem, & tranquillitatem Reipublicæ, præscindendo infinitas lites, quæ alias suborti possent. Ad hæc leges illæ de præscriptione æqualiter respiciunt magnos & parvos, divites & pauperes, omnésque, qui tempore per leges præscripto neglexerunt bona sua repetrere, leges autem usurariæ non tendunt in bonum commune, sed potius in grave damnum Reipublicæ, dum vi illarum præcipue respicientium & gravantium egentes, qui magno numero existunt in communitatibus, eorum fortunæ absorbentur, redactis illis sensim ad summam egestatem, adeoque tales usurariæ leges iniquæ sunt.

3. Neque secundò obstat argumentum ductum ab actu ad potentiam, dum de facto permisæ, & sic redditæ licitæ usuræ saltem moderatae, nimis quinque pro centum per novissimas Constitutiones & Recessus Imperii, scilicet in Comitiis Augustanis Anno 1500, sub Maximil. in aliis Comitiis Augst. Anno 1530. sub Carolo V. & ibidem sub eodem Anno 1548. in Comitiis Spirensibus Anno 1570. sub Maximil. II. nam harum Constitutionum & Recessuum æquitas & justitia præcipue fundatur in moderatione usurarum, quæ alias per avaritiam hominum excessivè exigebantur, & partim in presumptione tanti lucri cessantis, vel damni emergentis, vel alterius justi tituli, prout clarissime patet ex textu Recessus Spirensis sub Rudolpho II. cuius præsumptionis intuitu hæ Constitutiones, quinque pro centum non tantum permittuntur, sed etiam, ut solvantur, si in pacem deducta sunt, conceditur actio; que præsumptio justi tituli in conscientia non juvat dictam usuram quinque pro centum, si justus titulus præsumptus in veritate non subsistat. Arg. c. super hoc, de renuntiat. & L. Imperator. ff. de prob. atque ita usuræ talis redditur licita, non vi harum Constitutionum, sed vi justi tituli, in quo fundantur.

Quæst. 343. *An & qualiter vi consuetudinis usuræ propriæ tales reddantur licitas?*

Resp. Vigore nullius consuetudinis redduntur validæ aut licitæ usuræ propriæ tales, seu merite lucratoriae; cum hæ usuræ sint intrinsecè male, iuriique divino ac naturali contrariae; ut Tanner. Tom. 3. f. 7. du. 3. num. 79. Haunold. de f. & f. Tom. 3. tr. 9. c. 3. controvers. 10. §. 8. ideoque consuetudo exercendi eas est irrationaliis abusus, & mera corruptela, juxta c. fin. de consuetud. & unanimem DD. Nihilominus proxim illam Germaniam, & totius Imperii Romani consuetudinem pro sorte capitali centum florenorum indistinctè pacisciendi & exigendi annuatim quinque, (quod interesse vocant) absque eo, quod creditor alleget lucrum cessans, damnum emergens, aut periculum fortis principalis amittendæ, vel titulum ullum alium, pro foro externo, non tantum licitam esse, sed etiam dari actionem contra debitorem morantem vel nolentem solvere illos quinque; quin & Judicem mandare posse, ut solvantur, communem & certam per Germaniam haberi sententiam, ait Reiffenst. b. t. n. 57. ex ea ratione, quod ibi pro foro externo presumatur saltem, adesse unus ex præfatis titulis; pro foro vero interno seu conscientia, sicut alibi,

alibi, ita etiam in Germania & Imperio Romano esse id verè usurarium, illicitum, & graviter peccaminorum, si nullis ex praefatis tribus titulis interveniret, prout nullus intervenit, dum pecunia hujusmodi mutuo data alia sine negotiatione & lucro maneret in cista creditoris otiosa, teneri à plenisque DD. teste Engels b. t. n. 10, contra Tanner. & Haunold. II. cit. asserit idem Reiffenst. n. 58. cui, si opponas, ex hac doctrina sequi, innumeros in Germania & Imperio viros etiam præclaros, doctos, Deum timentes, tam ecclesiasticos quam seculares versati in continuo statu peccati mortalis, utpore qui sine allegatione & reflexione illius lucri cessantis, imo nullo existente hujusmodi titulo, & per sufficientem hypothecam, pignus, fidejussionem plenè assecutari de forte passim & libere absque omni scrupulo quinque pro centum mutuò datorum exigunt & accipiunt, ad id, inquam, responderi posse inquit, quod praterquam multi ex iis, præsertim doctiores, justum titulum lucri cessantis, damni emergentis, periculi fortis habeant, habere possint intentionem emendi censum ex utraque parte redimibilem, hoc est, jus percipiendi annuatim quinque ex rebus alterius pro pretio centum florenorum, vel celebrandi tacitum vel expressum contractum Socieratis, quam ratione in effectu idem habent, ac si mutuo centum pro quinque annuarent, ac denique, quod plures ex ruderibus absque justo titulo laborent ignorantia invincibili, sintque in bona fide, ac ita non versentur in statu peccati mortalis, in quo ceteroquin versarentur juxta plerosque DD. si neque justum titulum, neque ignorantiam invincibilem, aut bonam fidem habent; verum num hac ratione difficultati satisficiat Reiffenst. lectori examinandum relinquo.

Quæst. 344. Num usura compensatoria sit licita, sive an & qualiter mutuans ultra sortem, seu rem mutuo datam exigere & recipere quid posse, imprimis ratione lucri cessantis, & damni emergentis?

1. **R**Esp. Primò in genere: Usuram compensatoriā, sive lucri cessantis, sive damni emergentis, (quorum utrumque venit nomine interesse). Arg. L. si commissa. ff. rem ratam haberi, dum ibi dicitur: quod in tantum competit, quantum mea interfuit, id est, quantum mihi abest, quantumque lucrari potui) esse licitam, habet communiter fere recepta sententia contra Innocent. & paucos alios, cuius ratio patebit ex mox subjiciendis. Hinc

2. **R**esp. Secundò: Imprimis ratione lucri cessantis licet ultra sortem reddendam exigere & accipere aliquid, dum quis vi, metu, dolo, vel etiam præcepto Superioris, v. g. Principis ob bonum publicum coactus, dando mutuum aruitit occasionem lucrandi suā pecuniā, quam volebat & poterat vel censem, vel domum, aut agrum fructiferum emere, vel negotiacione licitā aliquid lucrari, & quidem etiam illa privatio lucri resarcienda non fuerit in pactum deducta, quia mutuans in hoc casu iniuste patitur damnum, ad quod resarcendum tenetur, qui illud intulit, nimis mutuarius, inquit cogens ad mutuandum, non fecus, ac fur fundero pecuniam, quam mercator quis ad negotiandum paratam habebat, non tantum tenetur restituere pecuniam ablatam, sed & lucrum, quo fundero pecuniam privavit mutuantem; & ita do-

cent Mol. tr. 2. de Jus. d. 315. n. 1. Less. L. 2. de Jus. c. 20. num. 79. Hugo de Jus. d. 25. f. 6. quos citat & sequitur Pirh. b. t. n. 36. Pati modo licitum est ratione lucri cessantis, quanti id prudentis arbitrio estimabitur exigere, dum muruans ab initio sponte sine coactione cum mutuariō de super pactus est, Hugo l. c. n. 87. Less. n. 80. & 81. Mol. num. 11. Azor. L. 5. de usura. c. 5. in princ. Navar. in man. c. 17. n. 211. Covar. L. 3. var. c. 4. n. 5. Pirh. n. 38. cum sententia pariter in praxi & usū recepta. Siquidem lucrum, quod superadditur sorti ob lucrum cessans ratione pecuniae mutuo data, exigitur in calo coactionis, non ratione injuria illata mutuanti ad mutuandum coacto, sed quia in & per se estimabile est pretio, & compensativum lucri cessantis, quale quia est, sive mutuum, ob quod datur, coacte sive sponte datum, sicut illud est licitum, ut dictum, ita & hoc ex mutuo sponte factō erit licitum. Neque his obstat, quod mutuum debet dari gratis, adeoque, quando quis non tenetur mutuare, non poterit quidquam accipere pro mutuato; nam in hoc sensu mutuum debet gratis dati, quod pro ipso mutuo secundum se spectato, nihil ultra sortem exigi possit, non autem, quod pro spe lucri, quam quis se privat in gratiam mutuarii, nihil possit accipere. Less. l. c. n. 82. Pirh. b. t. n. 38. in fine.

3. **R**esp. Tertiò: Licitum quoque est, exigere quid supra sortem ratione interest, damni emergentis mutuanti ob datum mutuo, ut cum communī tradunt D. Thom. 2.2. q. 78. a. 2. ad 1. Mol. de Jus. tr. 2. d. 314. n. 7. & 8. Pirh. n. 32. Reiffenst. b. t. n. 67. & alii passim; est enim & illud damnum pretio estimabile, neque est aquitati consentaneum, ut quis ob beneficium mutui, quod præstat alteri privando se ad tempus pecuniā suā, reportret damnum, unde poterit se indemnum servare mutuans, ad resarcendum tale damnum, exigendo & accipiendo aliquid ultra sortem à beneficiario seu mutuariō. Azor. p. 3. L. 5. de usura. c. 4. in pr. Est autem hoc damnum duplex, intrinsecum, quod quis patitor in ipsa re mutuo data, ut, si quis mutuet frumentum tempore veris, quando id pluris valer, restitendum in autumno, quando minus valer: vel exirsecum, seu aliunde ortum, dum quis v. g. pecuniam paratam ad fulciendum suam dominum, quæ ruinam patitur, dat alteri mutuam, unde postea ob pecuniae, quā restaurari debuerat, defectum corruit. Ad quod utriusque generis damnum resarcendum exigere quid potest ultra sortem. Proceduntque hæc ipsa de resarcendo damno emergente, dum mutuans fuit ad mutuandum coactus, etiamsi nihil de hoc conventum in contractu mutui. Hugo l. c. d. 25. f. 6. n. 74. juxta L. cum quidam. §. 1. ff. b. t. Idem est, de potestate exigendi, & obligatione solvendi supra sortem, dum damnum ortum ex mora mutuarii, dum is tempore præfixo non reddidit mutuum, dum poterat, idque etiam si in pactum non fuerit deductum, aut etiam is tempore solutioni mutui præfixo de solvendo non fuerit à mutuante interpellatus; cum ipsa dies interpellet pro homine, nempe creditore, ad solvendum. Less. l. c. n. 69. Pirh. n. 33. nisi tamen mutuarius sine sua culpa pro eo tempore redditus fuerit impotens ad solvendum ob infortunium; quia v. g. incendio omnia illius perierint. Less. n. 70. quamvis autem mutuarius ex contractu mutui tacite obligatus sit ad resarcendum damnum, quod obvenit mutuanti ex mutuatarii mora solvendi tempore debito, non tenebitur tamen